

UNIVERZITET U TUZLI

Pravni fakultet

Prilog II

**STUDIJSKI PROGRAM DRUGOG CIKLUSA STUDIJA IZ
PODRUČJA PRAVA**

(Sa primjenom od akademske 2025/2026. godine)

Muhameda Hevaija Uskufija br. 7, 75 000 Tuzla

tel: +387 35 25 06 57 i +387 35 25 06 58

fax: +387 35 25 06 57

web: www.pf.untz.ba

I OPĆI DIO

1. Naziv, ciljevi i organizacija studijskog programa

U okviru drugog ciklusa studija na Pravnom fakultetu Univerziteta u Tuzli realizuje se inovirani studijski program pod nazivom „Studijski program drugog ciklusa studija iz područja prava“. Nastavno-istraživačke aktivnosti na predmetnom studijskom programu mogu se implementirati unutar jednog od pet studijskih usmjerenja i to:

- (a) Građansko pravo,
- (b) Krivično pravo,
- (c) Državno i međunarodno javno pravo,
- (d) Upravno pravo i
- (e) Komparativno pravna historija i komparativno pravo.

Ciljevi ovog studijskog programa mogu se svesti na slijedeće:

- Obrazovanje specijalizovanih stručnjake za razvoj i primjenu naučnih metoda i dostignuća iz oblasti pravnih nauka;
- Razvijanje analitičkog i kritičkog mišljenja polaznika studija te osposobljavanje za kritičko vrednovanje prijedloga za normativno uređenja pojedinih pitanja iz oblasti prava
- Razvijanje kreativnosti i inventivnosti u rješavanju konkretnih problema pravne prirode;
- Orijentacija ka istraživanju, istraživačkom radu, te naučnom i stručnom pristupu u rješavanju konkretnih pravnih problema;
- Upoznavanje sa metodama i tehnikama istraživanja u oblasti pravne nauke;
- Razvijanje sposobnosti fokusiranja na relevantne činjenice u funkciji formiranja vlastitog stava o različitim pitanjima pravne prirode,
- Adekvatno povezivanje nauke i prakse.

2. Akademska titula i stručno zvanje koje se stiče završetkom drugog ciklusa studija

Završetkom Studijskog programa drugog ciklusa studija polaznik stiče akademsko, odnosno stručno zvanje – **magistar prava (MA)**, u skladu sa Pravilnikom o akademskim i stručnim zvanjima i načinu njihovog korištenja koji donosi Ministarstvo obrazovanja Tuzlanskog kantona.

3. Uslovi za upis na studijski program

Pravo upisa na studijski program drugog ciklusa studija u trajanju od jedne godine imaju kandidati (državljeni Bosne i Hercegovine, strani državljani i lica bez državljanstva), koji ispunjavaju slijedeće uslove:

- a) Za upis na studijsko usmjerenje Građansko pravo:
 - završen dodiplomski studij/studij prvog ciklusa na akreditiranim državnim fakultetima iz područja prava ili ekonomije u trajanju od četiri godine (sa ostvarenih 240 ECTS bodova)
 - poznavanje jednog svjetskog jezika.
- b) Za upis na studijsko usmjerenje Krivično pravo:
 - završen dodiplomski studij/studij prvog ciklusa na akreditiranim državnim fakultetima iz područja prava, kriminalistike, kriminologije, sigurnosnih studija ili socijalne pedagogije (poremećaja u ponašanju) u trajanju od četiri godine (sa ostvarenih 240 ECTS bodova)
 - poznavanje jednog svjetskog jezika.
- c) Za upis na studijsko usmjerenje Državno i međunarodno javno pravo:
 - završen dodiplomski studij/studij prvog ciklusa na akreditiranim državnim fakultetima iz područja prava, političkih nauka (politologije), sociologije, međunarodnih odnosa ili uprave u trajanju od četiri godine (sa ostvarenih 240 ECTS bodova)
 - poznavanje jednog svjetskog jezika.
- d) Za upis na studijsko usmjerenje Upravno pravo:
 - završen dodiplomski studij/studij prvog ciklusa na akreditiranim državnim fakultetima iz područja prava ili uprave u trajanju od četiri godine (sa ostvarenih 240 ECTS bodova)
 - poznavanje jednog svjetskog jezika.
- e) Za upis na studijsko usmjerenje Komparativna pravna historija i komparativno pravo:
 - završen dodiplomski studij/studij prvog ciklusa na akreditiranim državnim fakultetima iz područja prava ili historije u trajanju od četiri godine (sa ostvarenih 240 ECTS bodova)
 - poznavanje jednog svjetskog jezika.

Prednost pri upisu imaju kandidati koji su ostvarili veći prosječni rezultat na dodiplomskom studiju/studiju prvog ciklusa.

Drugi ciklus studija će se organizovati ako se na Konkurs prijavi minimalan broj studenata potreban za izvođenje studijskog programa, u skladu sa Standardima i normativima u visokom obrazovanju u Tuzlanskom kantonu i ostalim važećim propisima.

Kandidati koji su kao studenti dodiplomskog studija/studija prvog ciklusa ostvarili zapažene rezultate na državnim i međunarodnim takmičenjima iz oblasti studija imaju prednost pri upisu u odnosu na ostale kandidate sa jednakom prosječnom ocjenom na dodiplomskom studiju/studiju prvog ciklusa.

Odabir usmjerenja studijskog programa i upis studenta vrši se na način kako slijedi

- Kandidat po vlastitom izboru vrši odabir usmjerenja inoviranog studijskog programa ili više njih. Kandidat odabire najmanje 1 (jedno) usmjerenje studijskog programa.
- U prvom krugu brojanja preferencija utvrđuje se koliki broj prvih preferencija ima svako od usmjerenja studijskog programa. Ukoliko je broj prvih preferencija na određenom usmjerenju veći od ukupnog broja mjesta za upis predviđenih na tom usmjerenju, odabir kandidata vrši se prema utvrđenom kriteriju, odnosno prosjeku ocjena na dodiplomskom studiju.
- Kandidati koji na ovaj način ne ostvare pravo za upis na usmjerenje koje je bilo njihov prvi izbor, bit će uzeti u obzir za upis na usmjerenje koji je njihov drugi, odnosno naredni izbor, ukoliko na tom usmjerenju studijskog programa, nakon prebrojavanja prvih preferencija, preostanu slobodna mjesta za upis.

4. Trajanje, nastavne aktivnosti i ukupan broj ECTS bodova

Drugi ciklus studija organizovan je u jednogodišnjem trajanju (dva semestra) i vrednuje se sa 60 ECTS bodova. Studijska godina se organizuje u dva semestra (zimski i ljetni), od kojih svaki ima 15 nastavnih sedmica. U zimskom semestru na svakom usmjerenju studenti pohađaju nastavu iz pet obaveznih nastavnih predmeta (koji se vrednuju sa po 6 ECTS bodova), s tim da studenti svih usmjerenja zajednički pohađaju nastavu iz predmeta *Metodologija istraživanja i izrade naučnog i stručnog djela*. Tokom ljetnog semestru studenti pohađaju nastavu iz jednog izbornog predmeta (koji se vrednuju sa po 5 ECTS bodova) te vrše aktivnosti vezane za prijavu, izradu i odbranu završnog magistraskog rada (koje se vrednuju sa 25 ECTS bodova).

Nastavne aktivnosti se realizuju kroz pohađanje nastave i polaganje ispita iz obaveznih i izbornih nastavnih predmeta te kroz različite forme individualnog rada studenata, koje, između ostalog, mogu uključivati izradu i javnu prezentaciju istraživačkih radova, izradu i publikovanje naučnih radova, rasprave i debate, prezentacije i druge oblike nastavnog rada, kao i kroz prijavu, izradu i odbranu završnog magistarskog rada.

Organizacija i realizacija nastave i ispita, kao i drugih formi individualnog rada studenata realizuje se u skladu sa Zakonom o visokom obrazovanju Tuzlanskog kantona, Statutom Univerziteta u Tuzli, Pravilima studiranja na drugom ciklusu Univerziteta u Tuzli, ovim studijskim programom te drugim relevantnim propisima.

Nastava se može organizovati kao: a) klasična nastava u učionici (in class), b) nastava na daljinu (online) te c) kombinacijom prethodna dva načina organizacije nastave. Odluku o načinu organizacije nastave u toku određene akademske godine donosi Naučno-nastavno vijeće fakulteta.

Prijava, izrada i odbrana završnog magistarskog rada realizuje se u skladu sa Zakonom o visokom obrazovanju Tuzlanskog kantona, Statutom Univerziteta u Tuzli, Pravilima studiranja na drugom ciklusu Univerziteta u Tuzli, Pravilnikom o završnom magistarskom radu na drugom ciklusu studija Univerziteta u Tuzli, ovim studijskim programom te drugim relevantnim propisima.

5. Način izbora stručnih izbornih predmeta

U Nastavnom planu na pojedinim usmjerenjima u zimskom semestru nude se izborni predmeti, od kojih Naučno-nastavno vijeće Pravnog fakulteta, na početku akademske godine, u skladu sa važećim opštim pravnim aktima, kao i Standardima i normativima u oblasti visokog obrazovanja Tuzlanskog kantona određuje dva, odnosno tri izborna predmeta od kojih student bira jedan. Na listi izbornih predmeta nalaze se nastavni predmeti koji proširuju osnovnu oblast izučavanja dopunskim sadržajima.

Izborni predmet student bira putem ankete, koja se provodi prije početka drugog semestra, a uz konsultaciju sa predmetnim nastavnikom prema svojim studijskim interesovanjima.

6. Ishodi studijskog programa

Znanja, vještine i kompetencije

Okončanjem studija polaznici će steći produbljena i sistematizirana znanja iz pojedinih oblasti prava na temelju kojih će biti u mogućnosti prepoznavati i rješavati nova i otvorena pravna pitanja. Dodatno, stjecanjem akademskog stepena magistra prava steći će potrebne preduvjete za daljne napredovanje u profesionalnoj karijeri te biti osposobljeni za samostalno i visoko profesionalno obavljanje različitih složenih i zahtjevnih pravničkih poslova viših razina odgovornosti u pravosuđu, upravi, privredi i slobodnim profesijama.

Po okončanju studijskog programa studenti će biti sposobni da:

- a) primjene stečena produbljena i sistematizirana znanja iz odgovarajuće uže naučne oblasti prava za efikasno i odgovorno vršenje pravničke profesije, a posebno vršiti odgovarajuće analize različitih pravnih tekstova, prepoznavati i rješavati otvorena pravna pitanja, obavljati pravna istraživanja te pisati pravne tekstove;
- b) samostalno planiraju, organizuju i vode istraživačke projekte iz područja pravnih nauka te prezentiraju rezultate vlastitih istraživanja i znanja širem specijaliziranom i nespecijaliziranom auditoriju;
- c) koriste različite baze podataka o pravnim izvorima, sudskoj praksi i relevantnoj pravnoj literaturi;
- d) detektiraju i opišu pravni problem te ponude odgovarajuća pravna rješenja;

- e) kritički vrednuju različita uporednopravna rješenja te ponude odgovarajuće prijedloge de lege ferenda za unapređenje domaćeg pravnog okvira u pojedinim oblastima prava.

7. Način izvođenja studija

Drugi ciklus studija iz područja prava na Pravnom fakultetu Univerziteta u Tuzli organizovan je kao redovni studij.

8. Uslovi prelaska sa drugih studijskih programa

Studentu drugog univerziteta može se omogućiti prelazak sa srodnih akreditovanih studijskih programa na drugi ciklus studija na Pravnom fakultetu Univerziteta u Tuzli pod uslovima i postupku utvrđenim Pravilima studiranja na drugom ciklusu studija na Univerzitetu u Tuzli.

9. Uslovi nastavka studija

Nakon završetka drugog ciklusa studija moguće je nastaviti treći ciklus studija u Bosni i Hercegovini i inostranstvu.

NASTAVNI PLAN
STUDIJSKOG PROGRAMA DRUGOG CIKLUSA STUDIJA IZ
PODRUČJA PRAVA
(PO USMJERENJIMA)

NASTAVNI PLAN
USMJERENJE DRŽAVNO I MEĐUNARODNO JAVNO PRAVO

Predmet	ZIMSKI SEMESTAR				LJETNI SEMESTAR			
	P ¹	A ²	DON ³	ECTS	P	A	DON	ECTS
<i>I SEMESTAR</i>								
Metodologija istraživanja i izrade naučnog i stručnog djela	3	0	1	6				
Država i suverenitet	4	0	0	6				
Savremena multikulturna društva	3	0	1	6				
Izborno pravo	4	0	0	6				
Civilno društvo	3	0	1	6				
	17	0	3	30				
<i>II SEMESTAR</i> <i>(Lista izbornih predmeta)⁴</i>								
Diplomatija i diplomatsko pravo (izborni)					3	0	0	5
Parlamentarni sistem odlučivanja (izborni)					3	0	0	5
Međunarodne organizacije i sigurnost (izborni)					3	0	0	5
Geopolitika Evrope (izborni)					3	0	0	5
<i>Izrada i odbrana završnog magistarskog rada</i>					0	0	17	25
								30
UKUPNO ECTS	–	–	–		–	–		60

¹ P - Predavanja

² A – Auditorne vježbe

³ DON – drugi oblici nastave

⁴ Sa liste izbornih predmeta student bira i pohađa jedan nastavni predmet

NASTAVNI PLAN
USMJERENJE: GRAĐANSKO PRAVO

Predmet	ZIMSKI SEMESTAR				LJETNI SEMESTAR			
	P ⁵	A ⁶	DON ⁷	ECT S	P	A	DON	ECT S
I SEMESTAR								
Metodologija istraživanja i izrade naučnog i stručnog djela	3	0	1	6				
Razvoj instituta građanskog prava u EU	4	0	0	6				
Evropsko ugovorno pravo	4	0	0	6				
Evropsko poslovno pravo	3	0	1	6				
Evropsko međunarodno privatno i procesno pravo	3	0	1	6				
	17	0	3	30				
II SEMESTAR <i>(Lista izbornih predmeta)⁸</i>								
Evropsko porodično i nasljedno pravo					3	0	0	5
Prava djeteta					3	0	0	5
<i>Izrada i odbrana završnog magistarskog rada</i>					0	0	17	25
								30
UKUPNO ECTS	–	–	–		–	–		60

⁵ P - Predavanja

⁶ A – Auditorne vježbe

⁷ DON – drugi oblici nastave

⁸ Sa liste izbornih predmeta student bira i pohađa jedan nastavni predmet

NASTAVNI PLAN
USMJERENJE: KRIVIČNO PRAVO

Predmet	ZIMSKI SEMESTAR				LJETNI SEMESTAR			
	P ⁹	A ¹⁰	DON ¹¹	ECT S	P	A	DON	ECT S
<i>I SEMESTAR</i>								
Metodologija istraživanja i izrade naučnog i stručnog djela	3	0	1	6				
Maloljetničko krivično pravo	4	0	0	6				
Sistemi krivičnih sankcija	3	0	1	6				
Uporedno krivično pravo i postupak	4	0	0	6				
Evropsko krivično pravo	3	0	1	6				
	17	0	3	30				
<i>II SEMESTAR</i> <i>(Lista izbornih predmeta)¹²</i>								
Međunarodni krivični sudovi					3	0	0	5
Dokazno pravo					3	0	0	5
<i>Izrada i odbrana završnog magistarskog rada</i>					0	0	17	25
								30
UKUPNO ECTS	–	–	–		–	–		60

⁹ P - Predavanja

¹⁰ A – Auditorne vježbe

¹¹ DON – drugi oblici nastave

¹² Sa liste izbornih predmeta student bira i pohađa jedan nastavni predmet

NASTAVNI PLAN
USMJERENJE: KOMPARATIVNO PRAVNA HISTORIJA I KOMPARATIVNO PRAVO

Predmet	ZIMSKI SEMESTAR				LJETNI SEMESTAR			
	P ¹³	A ¹⁴	DON ¹⁵	ECTS	P	A	DON	ECTS
I SEMESTAR								
Metodologija istraživanja i izrade naučnog i stručnog djela	3	0	1	6				
Bosanskohercegovačko pravo u evropskom kontekstu	4	0	0	6				
Razvoj pravne misli i pravna praksa u Bosni i Hercegovini	3	0	1	6				
Komparativno pravo	4	0	0	6				
Rimska pravna tradicija	3	0	1	6				
	17	0	3	30				
II SEMESTAR <i>(Lista izbornih predmeta)¹⁶</i>								
Globalizacija i pravne kulture					3	0	0	5
Rimsko pravo – Historija i institucije					3	0	0	5
Historijski razvoj lokalne samouprave u Bosni i Hercegovini					3	0	0	5
Izrada i odbrana završnog magistarskog rada					0	0	17	25
								30
UKUPNO ECTS	–	–	–		–	–		60

¹³ P - Predavanja

¹⁴ A – Auditorne vježbe

¹⁵ DON – drugi oblici nastave

¹⁶ Sa liste izbornih predmeta student bira i pohađa jedan nastavni predmet

NASTAVNI PLAN
USMJERENJE: UPRAVNO PRAVO

Predmet	ZIMSKI SEMESTAR				LJETNI SEMESTAR			
	P ¹⁷	A ¹⁸	DON ¹⁹	ECTS	P	A	DON	ECTS
I SEMESTAR								
Metodologija istraživanja i izrade naučnog i stručnog djela	3	0	1	6				
Evropsko upravno pravo	4	0	0	6				
Evropsko radno pravo i pravo socijalne sigurnosti	3	0	1	6				
Posebni upravni postupci	4	0	0	6				
Evropsko poresko pravo i poreski sistem	3	0	1	6				
	17	0	3	30				
II SEMESTAR <i>(Lista izbornih predmeta)²⁰</i>								
Službeničko pravo					3	0	0	5
Upravljanje ljudskim potencijalima u javnoj upravi					3	0	0	5
Izrada i odbrana završnog magistarskog rada					0	0	17	25
								30
UKUPNO ECTS	–	–	–		–	–		60

¹⁷ P - Predavanja

¹⁸ A – Auditorne vježbe

¹⁹ DON – drugi oblici nastave

²⁰ Sa liste izbornih predmeta student bira i pohađa jedan nastavni predmet